


Nga ca kuti lelo bwali bushiku bwa kulekelesha mu mweo obe, ni kwi wali no kuya?

Lelo imwe tamwaishiba ifyo cikaba ubushiku
bwa mailo. Pantu bushe ubumi bobbe ni shani?
Nangu fye ni mfula, iyo imonekela pa nshita
iinono, kabili pa numa ilapwa. Yakobo 4:14



Kuli ifishinka fine ifyo tufwile ukwishiba bwino bwino:

1. Lesa alikutemwa nga nshi.

Alefwaya ukuti mube no mweo wa muyayaya mu mulu pamo nankwe.

Pantu Lesa alitemenwe icalo icakuti apeeke umwana wakwe umo fye, pakuti onse uwamusumina enganaika, lelo abe no mweo wa muyayaya. Yohane 3:16

Alefwaya ukuti mube no mweo uwafulisha kabili uwacindama pamo nankwe.

Kabolala taisa lelo ku kwiba, no kwipaya no konaula. Naisa ukuti babe no mweo, kabili ukuti babe no mweo uwafulisha. Yohane 10:10

Nangu cibe fyo, abantu abengi tabakwata ubumi bwacindama kabili tabashininkisha nga cakuti balikwata ubumi bwa muyayaya pantu...

2. Umuntu ali uwa lubembu mu cifyalilwa. E mulandu wine alipaaturukene kuli Lesa.

Bonse balibembukile.

Pantu bonse balibembukile, kabili tabafikile ku bukata bwa kwa lesa; Abena Roma 3:23

Pantu ukutemwa indalama e mushila wa bubi bonse... 1 Timote 6:10

Icilambu ca lubembu ni mfwa.

Pantu umusonko wa lubembu ni mfwa... Abena Roma 6:23

Baibolo ilalondolola imisango ibili iya mfwa:

- Imfwa ya ku mubili .

Kabili nga fintu casontwa ku bantu ukufwa umuku umo, lelo pa numa ya ici ukupingulwa: Abena Hebere 9:27

- Imfwa ya ku mupashi nelyo ukupatuluka kwa muyayaya kuli Lesa muli helo .

Lelo aba mwenso, abashasumina, aba bufunushi, abaipaya, abacilende, abashimapepo, abapepa ifibumbwa, na ba bufi bonse, bakakwata icakaniko cabo muli bemba uwa mulilo na sulfure, e mfwa ya bubili." Ukusokolola 21:8

Nga ca kuti umuntu alipaatukana na Lesa pa mulandu wa lubembu lwakwe, bushe ni shani fintu ukupwisha ubu bwafya? Ilingi line tutontonkanya ukuti ifya kupwisha amafya ni ifi: imipepele, imilimo isuma, ne mibele isuma. Lelo kuli fye ubwasuko bumo ukufuma kuli Lesa.

3. Yesu Kristu e nshila fye imo iya kuya ku mulu. Uku e kubilisha kwa kwa Lesa.

Yesu atile kuli wene, “Nine nshila, ne cine, no mweo.” Takuli nangu umo uwiisa kuli wishi kano fye ukupitila muli ine. Yohane 14:6

Alipile umulandu onse uwa membu shesu.

Pantu Kristu na o aliculile umuku umo pa mulandu wa membu, uwalungama pa mulandu wa babifi, pakuti atuletele kuli Lesa, aipaiwe mu mubili, lelo alibuushiwe ku mupashi.

Muli wene twalubulwa ukupitila mu mulopa wakwe, ukwelelwa kwa membu shesu, ukulingana ne fyuma fya luse lwakwe; Abena Efese 1:7

Alikwata icipangano ca mweo wa muyayaya.

Umuntu onse uwasumina mu mwana alikwata ubumi bwa muyayaya, lelo uushasumina mu mwana takamone ubumi; lelo ubukali bwakwa Lesa bwaikala pali wene. Yohane 3:36

Pantu umusonko wa lubembu ni mfwa; lelo ubupe bwa kwa Lesa bumi bwa muyayaya muli Yesu Kristu Shikulu wesu. Abena Roma 6:23

4. Tufwile ukusumina muli Yesu Kristu pakuti tupuswike.

Ukupusuka kwesu kwafuma ku luse lwakwa Lesa ukupitila mu citetekelo muli Yesu Kristu.

Pantu mwapuswike ku luse lwakwe ukupitila mu citetekelo; kabili ico tacafuma kuli imwe mwe bene, lelo ni cipe cakwa Lesa, te cafuma ku milimo yenu, pa kuti umuntu umo engailumbanya.

Abena Efese 2:8-9

Pantu onse uuita ishina lyakwa Shikulu akapusuka. Abena Roma 10:13

Ipepo Iya Kabembu

Pepa ici no citetekelo:

Shikulu Yesu, ndatasha nga nshi pa kuntemwa. Nasumina ukuti ndi uwa lubembu kabili ndelomba ukwelelwa kobe. Natasha pa mfwa yenu pa cimuti, ukushiika, no kubuuka pa kulipila imembu shandi shonse. Nalicetekela ukuti uli Shikulu wandi kabili Kapususha wandi. Nasumina ubupe bobbe ubwa mweo wa muyayaya kabili napeela ubumi bwandi kuli iwe. Nkwafweni ukumfwila amafunde yenu yonse no kuba uwa nsansa ku menso yenu. Amen.

Nga ca kuti mwacetekela muli Yesu Kristu, ifi fyalicitike kuli imwe:

- Nomba, muli no mweo wa muyayaya kuli Lesa.

Kabili uku e kufwaya kwa uyo uwantumine, ukuti onse uwamona umwana no kumusumina abe no mweo wa muyayaya, kabili nkamubuusha pa bushiku bwa kulekelesha. Yohane 6:40

- Imembu shenu shonse shalipilwa kabili shalekelelwa.

(icapita, ica nomba, ica kuntanshi)

Lelo uyu muntu, panuma ya kutuula ilambo limo ilya membu umuyayaya, aikele ku kulyo kwakwa Lesa. Abena Hebere 10:12

- Uli cibumbwa cipya ku menso ya kwa Lesa. Ni ntendekelo ya mweo obe upya.

Eico nga cakuti umuntu ali muli Kristu, ninshi cibumbwa cipya. moneni, ifintu fyonse fyanguka ifipya. 2 Abena Korinti 5:17

- Mwaishileba umwana wakwa Lesa.

Lelo bonse abamupokelele, abasumina mwi shina lyakwe abapeele amaka ya kuba abana ba kwa Lesa.

Imilimo iisuma te nshila ya kuti tupuswikemo, lelo ubushininkisho nelyo icimenwa ca kupusukilamo kwesu.

Pantu tuli mulimo wakwe, twalengelwe muli Kristu Yesu ku milimo iisuma iyo Lesa apangile kale ukuti tulebombamo.

Abena Efese 2:10

Lesa akupale!